

## Die II. Machina.

- A. Ist das grosse Rad.  
 B. Die Trömmel/ welche in des Rads Achs angemacht ist.

## Die 15. Figur/

Zwo andere Sorten von Machinæ/ schwere Last  
 darmit in die höhin zu heben/ vnd wohin man wil  
 zu führen.

**D**iese zwo Sorten von Machinæ/ sind beyde gar bequem vnd  
 tauglich die schwerste Last zu ziehen vnd zu heben/ vnd wohin  
 man wil/ zu führen/ mit hülff weniger Leut.

Belangend nun die Erste/ ist solche fast füeglich/ daß man kleine  
 vnd grosse Schiff darmit mag entladen: Es seyen gleich die Last so  
 schwer/ als sie wollen: Vnd das gehet also zu. Ein Mann zeucht  
 durch ein Handheben das Rad mit A. gezeichnet/ herumb/ zumal  
 sampt dem Kamm/ mit E. vermerckt/ welcher in des Rads Achs an-  
 gemacht ist. Nu durch mittel dieses Kamms wird auch das Rad  
 B. herumb getrieben/ sampt der Schrauben/ so ist in desselben Rads